

BRACARÆ AVGVSTÆ.



Racarę vnã de antiquioribus Hispanię vrbib. à Gallis Celtis, cognomen-
to Braccatis, fuisse conditam, fama est, anno ante virgineum partum du-
centesimo nonagesimo. Hanc annorum 40 obsidione tandem expugna-
tam sub sua ditione, annis ferè quingentis Romani tenuere, cui & Augustæ
nomen indiderunt. Fuit in hac vrbe primum Iuridicus conuentus, vnus è
septem, citerioris Hispanię veteri more instituto que Romano, vnde aucto-
re Plinio vrbes quatuor & viginti usque petere consueuerant. Hinc ab Anto-
nino Pio quinque itinera militariã in varias Hispaniã partes describuntur. Hanc urbem Auso-
nius poëta diuitem, atque opibus florentem vocat. Sed & priscis maiorum annalibus perscri-
ptum extat, Regum Sucuorũ antiquam, sedem fuisse Bracaræ annis 70 supra cętum, & sub Go-
this annis 127 floruisse, quam & Alfonsus huius nominis primus, cognomento Catholicus, Hi-
spanorum Rex primam inter omnes Hispanię Metropolitanas vrbes, ex Saracenorũ tyranni-
de in pristinam libertatem vindicauit, anno 740. Hic Regum Portugalię primus sator Henricus
Comes (Guidonis Comitis Vernohensis & Brionensis filius) Alfonsi Henrici primi Lusitanicę
Regis pater, in templo maximo, quod ipse erexerat, sepultus est. Sed longè maius vrbi decus è re-
bus sacris accedit. Nam Christi Opt. maximi fidem complexa est, D. Petro S. Iacobi Maioris di-
scipulo prædicante, vix post annum decimũ, quo idem Dominus subacta morte in cęlum victor
ascēderat. Colit igitur Bracara, vt patronum, eundem Diuũ Petrum martyrem suum primum
Archipræsulem, vnã cum tribus alijs suis idem S. Pastoribus, Martino, Fructuoso, & Gerardo,
quibus veluti quatuor columnis Bracacensis Ecclesia fulcitur & fulget. Multum sanguinis olim
pro Christo effudit, diues octo Sanctorum corporibus, alijsq; innumeris reliquijs, ornata tem-
plis, nobilitata Patrum Concilijs, decorata sodalitijs ritè institutis, totius Hispaniã primatũ an-
tiquissimo iure sibi vindicat; qua de re cum Toletana sede verus eius est, & contentio, cuius me-
minit Honorius III. in cap. Coram, De in integrum restitut. Quæ tamen lis ab eiusdem Pont.
Max. tempore ad nostram vsque ætatem fuit. Posita est Bracara in ea parte regni Portugalię, que
regio Interamnis dicitur, à duobus, quibus clauditur, fluminib. Durio & Minio memorabilibus.
Est in quinto climate, gradus habens longitudinis 6, latitudinis duos & quadraginta ac semis, di-
stat que ab Oceano leucas quinque. Ciuitas pleno iure suo Archiepiscopo paret, siue spiritualem
iurisdictionem spectes, siue temporalem, multò quondam frequentior, nunc incolarum nume-
rat, ad duo millia, Fruitur magna cęli, aërisque clementia, insigni agrorum vbertate, & amœni-
tate quod ei beneficium commune est, cum hac tota regione Interamni. Hæc & alia complura de
hac vrbe scitũ digna in nostra Metropoli Bracarensi inuenies, quam Deo dante in lucem edere
meditamur illustrissimi primatis Augustini auspicijs, cuius etiam iussu & auctoritate vniuersam
diocesim perlustrauimus, & in tabula non omnino negligenter expressimus montes, vrbes, flu-
uios, oppida, parœcias, ædificia, ac itinera geographica delineantes.

Hæc Gaspar Aluarus Machiadia, Historiographus S. Bracarensis Ecclesiæ.

A. Alestes fluuius, cuius fontes in Spino monte, quatuor à Brac. Aug. miliaribus distant,
vallem amœnissimam vrbi adiacentem irrigat, multis hortis, pomarijs, pratis, viridarijsque excul-
tam. Illud mirabile, arborem nullam ex Medicæ Mali generibus creat, quibus alioqui hæc tota
Prouincia abundat. Urbem alluit, atque in Auum, maioris famæ fluuium prope antiquum op-
pidum Villam Comitis influit, Hunc & falsò quidam Zethen vocant.

B. Via, in Vimarianum oppidum S. Pontificis Damasi ortu clarissimum. Hæc via vna
est ex quatuor, quas Ant. Imp. Bracara Asturicam descripsit.

C. Via antiqua Imperatoris Antonini, in aquas calidas, vulgo Orense.

D. B. Annæ ædificia, quam columnæ xii à Prætoribus Ro. varijs quondam in locis
erectæ, literisque incisæ, cingunt, atque exornant.

E. Fons amœnissimus in medio luci, quæ & Sylua Primatialis, perdicum ac leporum
abundantia celebris.

F. Urbis præsidium.

G. Seminarium Adolescentum, ad normam Tridentini Concilij erectum.

H. In hunc locum Reuerendiss. Augustinus Archiepiscopus, nouum sacrarum vir-
ginum cœnobium transfert.

I. In hoc loco, quondam Romanorum cœmiterium fuisse creditur, Nunc, Campus
Vineæ dicitur.

K. Hæc via vna ex quatuor est, quas Ant. Imp. Brac. Asturicam descripsit.

L. Hic Urbis Arcum Romanorum tempore fuisse fama est.

M. S. Sebastiani ædificia, vbi forum Romanorum fuisse constat,